

exsertis, feminae in genas modice extensis, orbita interiore versus apicem divergentibus et leviter sinuatis; rostro coxas posticas attingente, articulo primo medium xyphi attingente; antennis pilosulis, (♀) paullo supra apicem oculorum interne insertis, articulo primo glabro, apicem clypei superante, secundo breviusculo, versus apicem leviter incrassato, duobus ultimis simul sumtis secundo parum longioribus; pronoto apicem versus leviter declivi, trapeziformi, sat fortiter transverso, lateribus rectis, margine basali subrecto, callis sat elevatis, transversis, medio distantibus, margine postico arcuatis, spatio ante callos laevi, inpunctato, strictura apicali glabra, medio latiore ibique articulo secundo antennarum fere aequae lato, margine pone eam late sinuato; scutello pronoto brevior; hemielytris abdomen superantibus, commissura clavi scutello parum longiore, cuneo leviter declivi, latitudine basali nonnihil longiore, membrana biareolata, angulo ejus interiore fracturaque cunei in eadem linea transversali positus, areola majore oblonga, apice interne angulum acutiusculum formante; xypho prosterni lateribus marginato, mesosterno brevi, metastethio orificiis distinctis; coxis anticis medium mesosterni paullo superantibus, posticis ab epipleuris hemielytrorum sat remotis; femoribus posticis anterioribus paullo longioribus et parum crassioribus, tibiis spinulosis, tarsis posticis margine inferiore articuli secundi eidem primi aequae longo, articulo tertio secundo longiore, unguiculis simplicibus, a medio curvatis.

Generi *Lygidea* Reut. nonnihil affinis videtur, corpore glabro, margine verticis carinato arcuato vel medio angulato, clypeo cum fronte in arcum confluyente divergens; a genere *Lygus* Hahn, Reut. strictura apicali pronoti crassiore, medio fortius incrassato, margine pone hanc late sinuato structuraque capitis et tarsorum distinguenda.

*Camptochilella signaticeps* n. sp. Pallide sordide glauco-virescens, pronoto hemielytris que sat remote fusco-punctatis, scutello crebre transversim strigoso; vertice macula utrinque ad oculum, fronte maculis duabus semi-circularibus interdum confluentibus, clypeo basi, loris macula utrinque ad apicem clypei, articulo secundo antennarum fere toto vel basi anguste apiceque latius nec non articulis ultimis, pronoto margine pone stricturam apicalem, callis ad maximam partem, marginibus lateralibus antice vittaque tenui mediana longitudinali disci postici, scutello basi et medio, pectore mesosterno maculisque lateralibus, ventre utrinque maculis marginalibus aliisque lateralibus in seriem positus, terebra feminae, coxis basi, femoribus ipsa basi, punctis nonnullis uni- vel biserialibus annulisque antepicalibus duobus, tibiis geniculis, apice punctisque minutis ad basin spinularum, tarsis apice articulorum nigro-piceis; membrana venis, vitta infra apicem areolae majoris limboque tenui apicali picescentibus. ♀. Long.  $5\frac{1}{3}$ , lat.  $2\frac{1}{4}$  mm.

Mexico, 4 specimina.

Caput ab antico visum latitudini verticis oculique unici aequae longum, vertice (♀) oculo circiter  $\frac{1}{3}$  latiore. Antennae articulo secundo latitudini capitis cum oculis longitudine subaequali. Pronotum latitudine basali fere dimidio brevius, apice mox pone stricturam quam basi dimidio angustius. Tibiae spinulis tenuibus fuscescentibus crassitie tibiae brevioribus. Terebra feminae medium ventris attingens.

*Lygus vicarius* n. sp. Oblongus, nitidus, subglaber; capite transverso, testaceo, punctis duobus verticis, maculis duabus frontis, clypeo lorisque piceis, vel piceo, margine basali guttaque media verticis marginibusque frontis ad oculos testaceis, margine verticis subaequaliter carinato; rostro pallide flavente, basin coxarum posticarum attingente, apice piceo; antennis nigris, articulo primo toto, secundo basi (♂) vel longe ultra medium (♀) pallide flavente, latitudine capitis circiter dimidio longiore; pronoto